



**KENYATAAN MEDIA
MENTERI DI JABATAN PERDANA MENTERI
(UNDANG-UNDANG DAN REFORMASI INSTITUSI)**

**RANG UNDANG-UNDANG INSOLVENSİ RENTAS SEMPADAN 2025
DILULUSKAN DEWAN RAKYAT**

KUALA LUMPUR, 29 Julai 2025 – Dewan Rakyat hari ini meluluskan Rang Undang-Undang (RUU) Insolvensi Rentas Sempadan 2025, selaras dengan aspirasi YAB Perdana Menteri, Dato' Seri Anwar Ibrahim, untuk mewujudkan persekitaran pelaburan yang telus, progresif dan berasaskan tadbir urus baik.

RUU ini, yang diterajui bersama oleh saya dan YB Menteri Perdagangan Dalam Negeri dan Kos Sara Hidup, bertujuan menyediakan mekanisme perundangan yang jelas bagi mengurus prosiding insolvensi rentas sempadan. Langkah ini meningkatkan keyakinan pelabur serta menyokong pertumbuhan perniagaan antarabangsa di Malaysia.

RUU ini berteraskan Undang-Undang Model UNCITRAL dengan penyesuaian mengikut keperluan dasar, amalan kehakiman dan kepentingan awam tempatan. Ia mengandungi 35 fasal dan jadual dengan objektif utama bagi: memperkukuh kerjasama antara mahkamah tempatan dan asing; memberi kepastian undang-undang; melindungi semua pihak berkepentingan; memaksimumkan nilai aset penghutang; dan memudahkan penyelamatan perniagaan serta perlindungan pekerjaan.

RUU ini mencerminkan komitmen Kerajaan MADANI dalam memastikan kerangka undang-undang negara kekal moden, relevan dan kompetitif di peringkat global.

**AZALINA OTHMAN SAID
MENTERI DI JABATAN PERDANA MENTERI
(UNDANG-UNDANG DAN REFORMASI INSTITUSI)
29 JULAI 2025**